



Na osnovu člana 53. stav 3. i 112. Zakona o visokom obrazovanju (Sl. Novine Bosansko Podrinjiskog Kantona broj 2/10, 12/14 i 10/17), i članova 29., 89. i 90. Statuta Senat American Northwest University of Health, Science and Technology/Američki Sjevero-zapad Univerzitet za Zdravstvene nauke i Tehnologije ANUHS/ASUZN na svojoj sjednici održanoj dana 15.02.2024. godine donosi:

## ODLUKU

### O OTVRĐIVANJU STATUSA NASTAVNA BAZA FAKULTETA ZDRAVSTVENIH STUDIJA ZA SPECIJALNA BOLNICA „DR. SOLAKOVIĆ“

#### Član 1.

Ovom Odlukom utvrđuju se da je Specijalna bolnica „Dr. Solaković“ nastavna baza ANUHS/ASUZN-Fakultet zdravstvenih nauka sa smjerovima, za one kliničke predmete i oblasti za koje ispunjava uslove.

#### Član 2.

Specijalna bolnica „Dr. Solaković“ je zdravstvena ustanova registrovana za obavljanje tercijarne zdravstvene zaštite koja ispunjava uvjete prostora, opreme i kadrova za obavljanje najsloženijih oblika specijalističko-konzultativne zdravstvene djelatnosti na tercijarnoj razini zdravstvene zaštite i bolničkih zdravstvenih usluga sekundarne zdravstvene zaštite, te hirurških zahvata u lokalnoj i opštoj anesteziji, dijagnostiku, biohemijske analize krvi i urina, liječenje, medicinsku rehabilitaciju, zdravstvenu njegu i usluge hiperbarične medicine.

#### Član 3.

U nastavnoj bazi Specijalna bolnica „Dr. Solaković“ studenti Univerziteta će obavljati dio praktičnog nastavnog plana i programa studijskih programa Fakulteta zdravstvenih nauka, na koje su upisani.

#### Član 4.

Ova odluka stupa na snagu danom donošenja.

PREDSJEDAVALA SENATA

Prof. Dr Muamer Kalic



Dostavljeno:

1. Dekan FZN

2. Služba za nastavu

3. Specijalna bolnica „Dr. Solaković“

AMERICAN NORTHWEST UNIVERSITY OF HEALTH SCIENCE AND TECHNOLOGY- AMERIČKI SJEVERO-ZAPAD  
UNIVERZITET ZA ZDRAVSTVENE NAUKE I TEHNOLOGIJE

ID BROJ/ID NUMBER:4245074910006, BROJ SUDSKOG REŠENJA/ COURT DECISION NUMBER: 045-0-REG-14-000 063,

OPĆINSKI SUD U GORAŽDU/ MUNICIPAL COURT IN GORAŽDE

TNR ZIRAAT BANK 186-000-1072476-159



## SPORAZUM O SARADNJI

Imajući u vidu

Da je Američki Sjevero-zapad Univerzitet za zdravstvene nauke i tehnologije osnovan kao Privatna visokoškolska ustanova, te rješenjem broj: 045- 0- Reg-14-000 063 od 13.10.2014. godine upisana u sudski registar, a rješenjem broj: 10-38-2437-5/14 od 23.09.2014. godine u Registar visokoškolskih ustanova u Bosansko-podrinjskom kantonu, i da ANUHS/ASUZN u svom sastavu ima i Fakultet zdravstvenih nauka, sa utvrđenim studijskim programima; Opšta medicina, Stomatologija, farmacija, Opšte sestrinstvo i Fizikalna terapija. Kao mlada ustanova ovoga tipa ima viziju razvoja naučno-istraživačke i obrazovne djelatnosti, između ostalog, i na području zdravstvenih nauka. Uz navedeno, aktima ANUHS/ASUZN predviđena je mogućnost izvođenja nastave na engleskom i turskom jeziku, zbog pokazane potrebe u regiji za fakultetima ove vrste i nastavom organiziranom na taj način.

Da ANUHS/ASUZN ima misiju i cilj da planiranjem i realizacijom nastave, te ostalim oblicima rada sa studentima i drugim korisnicima svojih usluga izgradi imidž institucije od značaja za regionalni razvoj. Vođeni programskim ciljevima, ANUHS/ASUZN uspostavlja odnose sa institucijama koje daju međunarodni legitimitet obrazovnom projektu koji će Univerzitet da provodi.

Da ANUHS/ASUZN kroz kontinuiranu saradnju sa relevantnim subjektima gradi odnose povjerenja i profesionalnosti sa korisnicima usluga u lokalnoj zajednici i regionu, a kroz uspostavljanje Sistema kvaliteta primjenjuje međunarodne standard obrazovanja.

Da je odredbama čl. 89. i 90. Statuta ANUHS/ASUZN br. 08-392-01/22 donesenog 24.02.2022. godine utvrđeno da ANUHS/ASUZN može sklapati posebne ugovore o organiziranju studijskih programa ili izvedbe dijela određenih studijskih programa, a što treba koristiti kao model unaprjeđenja saradnje sa ključnim akterima u oblasti obrazovanja i zdravstva, u cilju pružanja najvećeg mogućeg standard znanja i vještina polaznicima studija ANUHS/ASUZN.

Da Specijalna bolnica "Dr. Solaković" Sarajevo ( Specijalna bolnica) teži da postane refrentna zdravstvena ustanova u Kantonu Sarajevo, učinkovit prenosnik znanja i vještina potrebnih za kvalitetno educiranje zdravstvenih stručnjaka specifičnih profila, ustanova koja ima jasnu viziju i misiju svog razvoja, ustanova koja je otvorena za nove ideje, inicijative i težnje, s ciljem unaprjeđenja zadovoljstva svih interesnih skupina, sa naglaskom na pacijente, kojima će se, kroz

process zdravstvene zaštite i njege, a uz primjenu najsavremenijih dijagnostičkih postupaka, pružiti zdravstvene usluge vrhunskog kvaliteta

Da Specijalna bolnica „Dr. Solaković predstavlja stručnu, edukativu i zdravstvenu ustanovu tercijarne zdravstvene zaštite u Kantonu Sarajevo i da ima za cilj da pruži najbolju zdravstvenu zaštitu pacijentima u skladu sa evropskim i svjetskim standardima, rukovodeći se vrijednostima timskog rada, razvijanjem odgovornosti prema zajednici, poštivanjem etičkih kodeksa, strategijskim upravljanjem resursa, kontinuiranim unaprjeđenjem dijagnostičko-terapijskih procedura i metoda liječenja od strane kvalitetnog i educiranog stručnog kadra, što u krajnjoj distance doprinosi i unaprjeđenju zadovoljstva ključne interesne skupine – korisnika njegovih zdravstvenih usluga.

Da Specijalna bolnica „Dr. Solaković po strukturi kadra i rezultatima postignutim u praksi predstavlja naučno-nastavnu ustanovu.

Da je Odlukom Senata ANUHS/ASUZN Specijalna bolnica „Dr. Solaković“ dobila status nastavne baze ANUHS/ASUZN kojom je predviđeno da Specijalna bolnica „Dr. Solaković“ obavlja nastavno-edukativni rad za potrebe Fakulteta zdravstvenih nauka, naučno-istraživački rad, medicinska i naučna ispitivanja, kao i klinička ispitivanja u djelatnostima za koje je registrirana, kao i da obavlja stručno osposobljavanje i obrazovanje svih profila zdravstvenih radnika i nivoa stručnosti, te učestvuje u izvođenju dodiplomske i postdiplomske nastave na svim fakultetima zdravstvenog usmjerenja ANUHS/ASUZN.

Da će u saradnji sa ANUHS/ASUZN, a kroz nastavne programe Fakulteta zdravstvenih nauka ANUHS/ASUZN, i to za sljedeće studijske programe: Opšta medicina, Stomatologija, Farmacija, Opšte sestrinstvo, Fizikalna terapija i, biti intenzivirane aktivnosti na područjima naučno-istraživačkog rada u svim oblastima, kako je unaprijed navedeno,

i na osnovu obostrano iskazane volje

AMERICAN NORTHWEST UNIVERSITY OF HEALTH, SCIENCE AND TECHNOLOGY/AMERIČKI SJEVERO-ZAPAD UNIVERZITET ZA ZDRAVSTVENE NAUKE I TEHNOLOGIJE ANUHS/ASUZN, sa sjedištem u ul. Seada Sofovića Sofe 27 Goražde, kojeg zastupa V.D Rektor Prof dr. Šefket Krcić (u daljem tekstu: Univerzitet)

i

Specijalna bolnica “Dr. Solaković” SARAJEVO, sa sjedištem u ul. Krivajska broj 1 Sarajevo, kojeg zastupa Prof.dr. Emir Solaković, director ( u daljem tekstu: Specijalna bolnica)

Zaključuju:

## SPORAZUM O SARADNJI

### Član 1.

Univerzitet i Specijalna bolnica zaključuju ovaj Sporazum radi definiranja međusobnih odnosa, prava, obaveza i odgovornosti u oblasti saradnje, koja može da se provodi u različitim oblicima partnerstva, ali se bazira na povezanosti osnovnih djelatnosti potpisnika ovog Sporazuma i sa ciljem unapređenja i ostvarivanja zajedničkih interesa.

### Član 2.

- a) Naučno-istraživački rad i projekti;
- b) Medicinska i naučna ispitivanja;
- c) Nastavno-edukativni rad (angažmanom stručnjaka/nastavnika, asistenata, radnika, saradnika, istraživača/Specijalne bolnice u procesu provođenja teoretske nastave na Univerzitetu/Fakultetu zdravstvenih nauka, a koji za to ispunjavaju uvjete utvrđene posebnim propisima);
- d) Razmjena obrazovnog, naučnog i stručnog kadra;
- e) Organizaciju i učešće na konferencijama, obukama, seminarima, radionicama, vježbama i drugim modulima obučavanja polaznika studijskih programa Fakulteta zdravstvenih nauka Univerziteta;
- f) Ekspertnu, odnosno konsultantsku pomoć i saradnju u utvrđivanju sadržaja studijskih programa Univerziteta, a koji se odnose na oblast zdravstva;
- g) Druge oblike saradnje kojima se ostvaruju interesi strana potpisnica ovog Sporazuma, a saglasno odredbama Statuta Univerziteta i Specijalne bolnice, kao i propisima iz oblasti visokog obrazovanja i oblasti zdravstva kojima se uređuje rad i djelatnost ovih ustanova.

Osim saradnje iz stave 1. Ovog člana, potpisnici Sporazuma saraduju i kroz nastavno-edukativni rad za potrebe Univerziteta/Fakulteta zdravstvenih nauka, a u smislu provođenja praktične nastave. Specijalna bolnica u tom slučaju ima status partnera i čini nastavnu bazu Univerziteta, za provođenje praktičnog dijela nastave Fakulteta zdravstvenih nauka.

Bliži uvjeti saradnje iz stave 2. Ovog Sporazuma uređuju se posebnim aktom (ugovorom, sporazumom i sl.) između Univerziteta i Specijalne bolnice Sarajevo, a za potrebe Fakulteta zdravstvenih nauka.

### Član 3.

Univerzitet je obavezan da na osnovu jasnog oglasa izvrši selekciju profesora, predavača i asistenata na Fakultetu zdravstvenih nauka. Dio nastavnog kadra činit će i stručnjaci Specijalne bolnice, prvenstveno za klinički dio nastavnih planova i programa Fakulteta zdravstvenih nauka, odnosno studijskih programa organiziranih u okviru ovog Fakulteta.

### Član 4.

Zajedno sa Menedžmentom Specijalne bolnice, Univerzitet će izvršiti selekciju nastavnika i asistenata iz Specijalne bolnice, koji će nakon procedure izbora na Univerzitetu dobiti i odgovarajuća akademska zvanja i biti uključeni u izvođenju nastave i vježbi na Fakultetu zdravstvenih nauka, kako na dodiplomskom, tako i na postdiplomskom studiju.

Zbog integralnog procesa izvođenja nastave i vježbi, nastavnici i asistenti iz Specijalne bolnice imaju nastavne obaveze i odgovornosti kao stalno zaposleni na Fakultetu zdravstvenih nauka Univerziteta sa nepunim radnim vremenom čije trajanje će ugovorene strane odrediti naknadno, i na taj način njihovim angažmanom Univerzitet ispunjava sve uvjete u pogledu propisanih kadrovskih standard za rad Fakulteta zdravstvenih nauka.

#### Član 5.

Izabrano akademsko osoblje iz člana 4. ovog Sporazuma zadržavaju zvanja i angažman na Fakultetu zdravstvenih nauka Univerziteta po osnovu ovog Sporazuma u slučaju prestanka radnog odnosa u Specijalnoj bolnici, odnosno prelaska u druge zdravstvene ustanove.

#### Član 6.

Saglasno Statutu, nastava na Fakultetu zdravstvenih nauka Univerziteta može biti organizirana na engleskom i turskom jeziku. Univerzitet se obavezuje organizirati kontinuirano usavršavanje nastavnog i akademskog osoblja iz engleskog i turskog jezika kako bi Specijalna bolnica postao ustanova u kojoj će pored službenih jezika BiH i navedeni jezici biti u upotrebi na načina da to zadovoljava potrebe izvođenja nastave.

#### Član 7.

Nastavno osoblje iz člana 4. ovog Sporazuma ima pravo na naknadu za svoj rad, odnosno sudjelovanje u nastavi Fakulteta zdravstvenih nauka Univerziteta, a u skladu sa propisima o radu u Federaciji Bosne i Hercegovine i internim pravilima Univerziteta, i to shodno vrsti angažmana.

#### Član 8.

Univerzitet i Specijalna bolnica će zajednički raditi na istraživačkim projektima, te nastojati iznaći sredstva za tu namjeru od državnih, kantonalnih, inostranih vladinih i nevladinih fondova, posebno EU fondova, kao i donacije od međunarodnih institucija, agencija i sl. Sredstva od projekata bit će usmjerena u skladu sa pripremljenim programom koji potpisuju ovlašteni predstavnici Univerziteta i Specijalne bolnice.

#### Član 9.

Nastava i praksa na Fakultetu zdravstvenih nauka Univerziteta će se odvijati na navedenom Fakultetu u pogledu općih predmeta i u prostorijama Specijalne bolnice u pogledu kliničkih predmeta, i to na način uređen posebnim sporazumom između Univerziteta i Specijalne bolnice. U vezi sa kliničkim predmetima, nastava će biti organizovana tako da osoblje Specijalne bolnice ima pogodnosti.

## II.- Odgovornost

#### Član 10.

U procesu rada Fakulteta zdravstvenih nauka Univerziteta za svaku eventualnu tužbu prema Fakultetu, odnosno I Univerzitetu podnesenu od strane fizičkih ili pravnih lica, Specijalna bolnica ne snosi odgovornost. Odgovornost u tom slučaju snosi isključivo Univerzitet.

#### Član 11.

Univerzitet je dužan osigurati studente za eventualnu povredu u toku boravka u prostorijama Univerziteta, ali i u prostorijama Specijalne bolnice, kada student tu borave u vezi sa praćenjem nastave i ispunjavanjem propisanih studentskih obaveza.

#### Član 12.

Univerzitet snosi odgovornost za finansijsku samoodrživost i nesmetano odvijanje nastavnog procesa na Fakultetu zdravstvenih nauka.

### Član 13.

Stručnjaci Specijalne bolnice angažirani u radu Fakulteta zdravstvenih nauka Univerziteta (izabrani u odgovarajuće zvanje na ovom Univerzitetu ili stručnjaci iz prakse) dobijaju rješenje o postavljenju/izboru u odgovarajući nastavno/naučno zvanje, kao i rješenje/ugovor o mjesečnoj nadoknadi za svoj rad na studijskim programima Fakulteta zdravstvenih nauka.

### Član 14.

Potpisnici ovog sporazuma se obavezuju da će se pridržavati visokih standarda ( prostor, oprema, nastavnici, asistenti i stručnjaci iz prakse) u realizaciji različitih oblika saradnje temeljem ovog Sporazuma, tako da svaki student dobije vrhunsko obrazovanje u području zdravstvenih nauka i tehnologije.

### III. – Završne odredbe

### Član 15

Potpisnici Sporazuma su saglasni da će se posebnim aktima Univerziteta i Specijalne bolnice imenovati osobe odgovorne za provođenje odredni ovog Sporazuma i koordinaciju u realiziranju istog.

### Član 16.

Za sva pitanja koja nisu regulirana ovim Sporazumom, a u slučaju da se ukaže potreba i interes, ugovorene strane pristupit će donošenju aneksa ovog Sporazuma.

### Član 17.

Potpisnici ovog Sporazuma su saglasni da će, u slučaju spora, a vezano za tumačenje ili realiziranje ovog Sporazuma, isti pokušati riješiti dogovorom, mirnim putem i iznalaženjem obostranih najboljih rješenja, a ako to nije moguće da će formirati zajedničku arbitražnu komisiju, koju će sačinjavati po dva predstavnika strana potpisnica ovog Sporazuma, i jedan predstavnik Asocijacije studenata Univerziteta.

### Član 18.

Ukoliko potpisnici Sporazuma ne postignu dogovor, odnosno rješenje putem arbitraže u skladu sa članom 17. ovog Sporazuma, u tom slučaju u roku od 15 dana, mogu podnijeti zahtjev da se spor rješava pred nadležnim sudom.

### Član 19.

Svaka strana potpisnica ovog Sporazuma, isti može otkazati, ali se Sporazum ne može prekinuti/otkazati dok traje ciklus školovanja jedne generacije studenata (6 godina).

Univerzitet je obavezan informirati potencijalne studente (maturante koji konkuriraju za upis u prvu godinu studija na Fakultetu zdravstvenih nauka ukoliko dobije obavijest Specijalne bolnice o namjeri otkazivanja ugovorenih aktivnosti. Specijalna bolnica i Univerzitet mogu slične ugovore sklapati i sa drugim ustanovama u domenu zdravstvenih nauka i prakse, a u cilju što uspješnije realizacije svojih misija.

### Član 20.

Ovaj Sporazum stupa na snagu i primjenjivat će se od akademske 2023/2024. godine.

Član 21.

Ovaj Sporazum je sačinjen u 4 /četiri/ primjerka, od kojih po 2 /dva/ primjerka zadržava svaka strana potpisnica.

Za ANUHS/ASU  
Rektor

Acc Prof. Dr. Šefket



Za Specijalnu bolnicu "Dr. Solaković" Sarajevo  
Direktor

Prof. dr Emir Solaković

Broj:  
Datum:

Broj: 46/24  
Datum: 13.02.2024.

